



IZVJEŠTAJ

O FINANSIJSKOJ REVIZIJI

AGENCIJE ZA SIGURNOST HRANE BOSNE I HERCEGOVINE ZA 2016. GODINU

Broj: 01/02/03-09-16-1-549/17

Sarajevo, juni 2017. godine

**SADRŽAJ**

I	MIŠLJENJE REVIZORA.....	3
1.	MIŠLJENJE O FINANSIJSKIM IZVJEŠTAJIMA	3
2.	MIŠLJENJE O USKLAĐENOSTI	4
II	KRITERIJI ZA REVIZIJU	6
III	IZVJEŠTAJ O REVIZIJI.....	7
1.	Uvod.....	7
2.	Realizacija ranijih preporuka.....	7
3.	Sistem internih kontrola	8
4.	Budžet i izvještavanje.....	9
5.	Izvršenje budžeta	9
6.	Bilans stanja.....	9
7.	Javne nabavke	10
8.	Prihodi	10
9.	Komentari.....	11
	Prilozi	11

I MIŠLJENJE REVIZORA

1. MIŠLJENJE O FINANSIJSKIM IZVJEŠTAJIMA

Izvršili smo reviziju finansijskih izvještaja **Agencije za sigurnost hrane (u daljem tekstu: Agencija)** za 2016. godinu koji obuhvataju: bilans stanja, pregled prihoda, primitaka i finansiranja, pregled rashoda i izdataka iz budžeta, posebne podatke o plaćama i broju zaposlenih, pregled dinamike zapošljavanja, pregled stalnih sredstava u obliku stvari i prava, pregled kapitalnih ulaganja i analizu izvršenja budžeta – tekstualni dio.

Odgovornost rukovodstva za finansijske izvještaje

Rukovodstvo Agencije odgovorno je za izradu i fer prezentaciju finansijskih izvještaja u skladu sa prihvaćenim okvirom finansijskog izvještavanja, tj. Zakonom o finansiranju institucija BiH, Pravilnikom o finansijskom izvještavanju institucija BiH i Pravilnikom o računovodstvu sa računovodstvenim politikama i procedurama za korisnike budžeta institucija BiH. Ova odgovornost podrazumijeva i kreiranje, primjenu i održavanje internih kontrola koje su relevantne za pripremu i prezentaciju finansijskih izvještaja koji ne sadrže značajne pogrešne iskaze uslijed prijevare ili greške.

Odgovornost revizora

Naša je odgovornost da izrazimo mišljenje o finansijskim izvještajima na osnovu provedene revizije. Reviziju smo izvršili u skladu sa Zakonom o reviziji institucija Bosne i Hercegovine¹ i primjenjivim Međunarodnim standardima vrhovnih revizionih institucija (ISSAI 1000–1810). Ovi standardi zahtijevaju da postupamo u skladu sa etičkim zahtjevima i da reviziju planiramo i izvršimo na način koji omogućava da se, u razumnoj mjeri, uvjerimo da finansijski izvještaji Agencije ne sadrže značajne pogrešne iskaze. Revizija uključuje obavljanje postupaka u cilju pribavljanja revizionih dokaza o iznosima i objavama u finansijskim izvještajima. Izbor postupka je zasnovan na prosudbi revizora, uključujući procjenu rizika značajnog pogrešnog prikazivanja u finansijskim izvještajima uslijed prijevare ili greške. Prilikom procjene rizika, revizor razmatra interne kontrole koje su relevantne za pripremu i fer prezentaciju finansijskih izvještaja u cilju odabira revizionih postupaka koji su odgovarajući u datim okolnostima, ali ne u svrhu izražavanja mišljenja o efikasnosti internih kontrola. Revizija uključuje ocjenu primijenjenih računovodstvenih politika i značajnih procjena izvršenih od strane rukovodstva, kao i ocjenu opće prezentacije finansijskih izvještaja. Revizor također ocjenjuje finansijsko upravljanje, funkciju interne revizije i sisteme internih kontrola.

Vjerujemo da su pribavljeni revizionih dokazi dovoljni i odgovarajući i da osiguravaju osnovu za naše mišljenje.

¹ U skladu sa Zakonom o reviziji institucija Bosne i Hercegovine, Ured za reviziju u okviru finansijske revizije provodi reviziju finansijskih izvještaja i, u vezi s istom, reviziju usklađenosti.

Mišljenje

Prema našem mišljenju, finansijski izvještaji Agencije prikazuju fer i istinito, u svim materijalnim aspektima, stanje imovine, obaveza i izvora sredstava na 31.12.2016. godine i izvršenje budžeta za godinu koja se završava na navedeni datum, u skladu sa prihvaćenim okvirom finansijskog izvještavanja.

2. MIŠLJENJE O USKLAĐENOSTI

U vezi s revizijom finansijskih izvještaja Agencije za 2016. godinu, izvršili smo i reviziju usklađenosti aktivnosti, finansijskih transakcija i informacija sa značajnim zakonima i drugim propisima kojima se Agencija rukovodi.

Odgovornost rukovodstva za usklađenost

Pored odgovornosti za pripremu i fer prezentaciju finansijskih izvještaja, rukovodstvo Agencije je također odgovorno da osigura da su aktivnosti, finansijske transakcije i informacije u skladu sa propisima kojima su regulisane i potvrđuje da je tokom fiskalne godine osiguralo namjensko, svrsishodno i zakonito korištenje sredstava odobrenih budžetom institucije za ostvarivanje utvrđenih ciljeva, te ekonomično, efikasno i efektivno funkcionisanje sistema finansijskog upravljanja i kontrole.

Odgovornost revizora

Reviziju usklađenosti smo izvršili u skladu sa Zakonom o reviziji institucija BiH i ISSAI 4000 – Standard za reviziju usklađenosti.² Pored navedene odgovornosti da izrazimo mišljenje o finansijskim izvještajima, naša odgovornost podrazumijeva i izražavanje mišljenja o tome da li su aktivnosti, finansijske transakcije i informacije, u svim materijalnim aspektima, u skladu sa zakonima i drugim propisima kojima su regulisane. Ova odgovornost uključuje obavljanje procedura kako bismo pribavili revizione dokaze o tome da li se sredstva koriste za odgovarajuće namjene i da li je poslovanje Agencije, prema definisanim kriterijima, usklađeno sa zakonima i drugim propisima.

Vjerujemo da su pribavljeni revizioni dokazi dovoljni i odgovarajući i da osiguravaju osnovu za naše mišljenje.

² Novi ISSAI 4000 je usvojen u decembru 2016. godine i zamjenjuje ranije ISSAI 4000, 4100 i 4200.



Mišljenje

Prema našem mišljenju, aktivnosti, finansijske transakcije i informacije Agencije za 2016. godinu u skladu su, u svim materijalnim aspektima, sa zakonima i drugim propisima kojima su regulisane.

Sarajevo, 14.06.2017. godine

GENERALNI REVIZOR

Dragan Vrankić, v.r.

**ZAMJENIK
GENERALNOG REVIZORA**

Jasmin Pilica, v.r.

**ZAMJENIK
GENERALNOG REVIZORA**

Ranko Krsman, v.r.

II KRITERIJI ZA REVIZIJU

Ured za reviziju institucija Bosne i Hercegovine provodi reviziju finansijskih izvještaja i, u vezi s istom, reviziju usklađenosti. Revizija finansijskih izvještaja i revizija usklađenosti podrazumijeva proces objektivnog prikupljanja i procjenjivanja dokaza, kako bi se utvrdilo da li su predmeti revizije, tj. finansijski izvještaji, kao i aktivnosti, finansijske transakcije i informacije, usklađeni s odgovarajućim kriterijima koji su sadržani u zakonima i drugim propisima. Kriteriji predstavljaju uporedne parametre koji se koriste kako bi se dala ocjena predmeta revizije.

Kriteriji za reviziju:

- Zakon o budžetu institucija BiH i međunarodnih obaveza BiH za 2016. godinu;
- Zakon o finansiranju institucija BiH;
- Zakon o javnim nabavkama i podzakonski akti;
- Zakon o plaćama i naknadama u institucijama BiH i podzakonski akti;
- Zakon o porezu na dohodak i Zakon o doprinosima (FBiH i RS);
- Zakon o državnoj službi u institucijama BiH i podzakonski akti;
- Zakon o radu u institucijama BiH i podzakonski akti;
- Pravilnik o računovodstvu s računovodstvenim politikama i procedurama za korisnike budžeta institucija BiH;
- Pravilnik o finansijskom izvještavanju institucija BiH.

III IZVJEŠTAJ O REVIZIJI

1. Uvod

Odlukom Vijeća ministara BiH³, a na osnovu Zakona o hrani⁴, osnovana je Agencija kao samostalna upravna organizacija. Agencija je osnovana u cilju osiguranja sigurnosti hrane i hrane za životinje, vršenja naučnih i stručno-tehničkih poslova i primjene međunarodnih konvencija i međunarodnih sporazuma iz područja sigurnosti hrane za životinje obavezujućih za BiH. Agencija je nadležna za:

- procjenu rizika, u cilju postizanja visokog nivoa zaštite života i zdravlja ljudi, a koju obavlja u saradnji sa nadležnim organima entiteta i Brčko distrikta;
- obavještanje o riziku u cilju dobijanja pravovremenih, pouzdanih, objektivnih i razumljivih informacija o opasnostima vezanim za hranu;
- upravljanje rizikom koji osigurava preventivne i kontrolne mjere u cilju smanjenja, uklanjanja ili izbjegavanja rizika za zdravlje ljudi pri upotrebi hrane;
- predlaganje propisa iz domena higijene i zdravstvene ispravnosti hrane i hrane za životinje, kvaliteta hrane prilikom stavljanja na tržište, uvoza i izvoza hrane;
- izdavanje dopuštenja za stavljanje na tržište nove hrane.

Zakonom definisana tijela Agencije su: Upravni odbor, Savjetodavno vijeće, Naučno vijeće i naučni odbor. Agencijom upravlja direktor u saradnji sa zamjenikom direktora i sekretarom. Direktor i zamjenik direktora imenovani su na period od četiri godine, počev od 01.01.2016. godine.

2. Realizacija ranijih preporuka

Ured za reviziju institucija BiH izvršio je finansijsku reviziju Agencije za 2015. godinu, sačinio Izvještaj o finansijskoj reviziji i dao pozitivno mišljenje. U Izvještaju su date preporuke u cilju otklanjanja uočenih nepravilnosti. Agencija je postupila u skladu sa članom 16. tačka 3. Zakona o reviziji institucija BiH i obavijestila nas o preduzetim aktivnostima na realizaciji datih preporuka u cilju prevazilaženja nepravilnosti identifikovanih u revizorskom izvještaju za 2015. godinu.

Uvidom u preduzete aktivnosti, te osvrtom na realizaciju datih preporuka, utvrdili smo sljedeće:

³ Službeni glasnik BiH broj 22/05

⁴ Službeni glasnik BiH broj 50/04

2.1. Realizovane preporuke

- Agencija proaktivno reaguje na razvoj i uspostavljanje sistema finansijskog upravljanja i kontrole. Blagovremeno preuzima sve aktivnosti u skladu sa standardima unutrašnje kontrole;
- Agencija je kontaktirala Ministarstvo finansija i trezora BiH u vezi s načinom evidentiranja troškova mobilnih telefona i uz pribavljeno mišljenje nastavila isplatu kroz ISFU sistem.

3. Sistem internih kontrola

Agencija je odgovorna za kreiranje, primjenu i održavanje internih kontrola koje su relevantne za pripremu i prezentaciju finansijskih izvještaja i usklađenost poslovanja sa zakonima i drugim propisima.

Organizacija i rukovođenje: Unutrašnja organizacija i način rada Agencije utvrđeni su Pravilnikom o unutrašnjoj organizaciji koji je na snazi još od 2006. godine. Agencija je u skladu sa Odlukom o razvrstavanju radnih mjesta i kriterijima za opis poslova radnih mjesta u institucijama BiH⁵, uz prethodno pribavljena mišljenja, u decembru dostavila Prijedlog pravilnika o unutrašnjoj organizaciji Vijeću ministara na usvajanje.

Pravilnikom o unutrašnjoj organizaciji Agencije, uređen je način rada i rukovođenja Agencijom, te opis radnih mjesta službenika i zaposlenika. Istim su sistematizovana radna mjesta za 49 izvršilaca, a na 31.12.2016. godine u Agenciji su bile zaposlene 33 osobe. Budžetom za 2016. godinu planirano je 38 zaposlenih.

Finansijsko upravljanje i kontrola: Agencija je, u skladu sa Zakonom o finansiranju institucija BiH, Priručnikom za finansijsko upravljanje i kontrolu i Smjernicama za provođenje procesa upravljanja rizicima u institucijama BiH, implementirala sistem finansijskog upravljanja i kontrole i nastavila sa razvojem istog. Godišnji izvještaj o finansijskom upravljanju i kontroli za 2016. godinu blagovremeno je dostavila Centralnoj harmonizacijskoj jedinici Ministarstva finansija i trezora BiH.

Interna revizija: U skladu sa Zakonom o internoj reviziji institucija BiH⁶ i Odlukom o kriterijima za uspostavljanje jedinica interne revizije u institucijama BiH⁷, za obavljanje interne revizije u Agenciji nadležna je Jedinica interne revizije Ministarstva vanjske trgovine i ekonomskih odnosa BiH. S obzirom na to da navedena Jedinica u 2016. godini nije bila uspostavljena, Agencija je tek u maju 2017. godine potpisala Sporazum o vršenju funkcije interne revizije i Povelju interne revizije sa rukovodiocem jedinice interne revizije.

⁵ Službeni glasnik BiH, broj 30/13

⁶ Službeni glasnik BiH, broj 27/08 i 32/12

⁷ Službeni glasnik BiH, broj 49/12

4. Budžet i izvještavanje

Zakonom o budžetu institucija Bosne i Hercegovine i međunarodnih obaveza Bosne i Hercegovine za 2016. godinu⁸, Agenciji su odobrena sredstva u iznosu od 1.644.000 KM, od čega je za tekuće izdatke odobreno 1.638.000 KM, a za kapitalne izdatke 6.000 KM. Budžet je odobren na osnovu projekcije od 38 zaposlenih osoba. Agencija tokom godine nije imala promjena namjenske strukture odobrenih sredstava.

Godišnje finansijske izvještaje za 2016. godinu Agencija je sačinila i dostavila nadležnim organima i institucijama u skladu sa važećim propisima i u utvrđenom roku. Također, Agencija je sačinila Godišnji izvještaj o realizaciji Plana i programa rada koji je Vijeće ministara BiH razmatralo i usvojilo 28. marta 2017. godine.

5. Izvršenje budžeta

U Godišnjem finansijskom izvještaju Agencije za 2016. godinu, iskazani su rashodi u iznosu od 1.327.126 KM, što u odnosu na odobreni budžet u iznosu od 1.644.000 KM predstavlja ostvarenje od 81%. Nerealizovana sredstva u iznosu od 316.774 KM najvećim dijelom odnose se na izdatke za ugovorene usluge, tačnije, značajnije odstupanje realizacije sredstava od planirane vrijednosti sredstava je na poziciji izdataka za rad upravnih i nadzornih odbora i drugih tijela. Razlog odstupanja je smanjenje naknade za rad članovima upravnog odbora za 50% u odnosu na ranije isplaćivanu naknadu. Odlukom Vijeća ministara BiH imenovan je Upravni odbor Agencije, koji broji 15 članova. Mjesečna naknada za rad upravnog odbora je 250 KM za predsjednika i po 200 KM za članove.

Značajni rashodi odnose se na: bruto plaće (917.284 KM), naknade zaposlenih (137.481 KM), izdatke za medicinske i laboratorijske usluge (77.264 KM), neto izdatke za rad komisija (39.900 KM) te neto naknade za rad članova Upravnog odbora Agencije (32.476 KM).

Pregled rashoda budžeta prikazan je u Tabeli I u prilogu Izvještaja.

6. Bilans stanja

Aktiva Agencije se odnosi na gotovinu i kratkoročna potraživanja (7.736 KM) i stalna sredstva iskazana po sadašnjoj vrijednosti (69.577 KM). Pasiva se odnosi na kratkoročne tekuće obaveze (105.171 KM) i izvore sredstava (69.577 KM).

Bilans stanja prikazan je u Tabeli II u prilogu Izvještaja.

6.1. Popis sredstava i obaveza

Agencija je izvršila popis stalnih sredstava, novčanih sredstava, potraživanja i obaveza na 31.12.2016. godine. Popisna komisija je sačinila izvještaj o izvršenom popisu, koji je 15.02.2017. godine usvojilo rukovodstvo Agencije. Komisija je konstatovala da stvarno stanje

⁸ Službeni glasnik BiH, broj 101/15

sredstava i obaveza utvrđeno popisom odgovara knjigovodstvenom. Popisom stalnih sredstava nije utvrđen manjak niti višak stalnih sredstava.

Međutim, Agencija je u decembru dva puta vršila i vanredan popis sredstava zbog provalnih krađa u službenim prostorijama. O navedenom Agencija je blagovremeno obavijestila policijsku upravu, koja je sačinila zapisnik. Provedenim popisima komisija je konstatovala manjak stalnih sredstava (20 komada) sadašnje vrijednosti 2.340 KM. Nabavna vrijednost otuđenih sredstava iznosila je 30.797 KM. Agencija je na osnovu prijedloga komisija za vanredne popise i donesenih odluka izvršila isknjižavanje otuđene imovine. Pored otuđene opreme, Agenciji su prilikom provalne krađe otuđena i novčana sredstva iz blagajne (3.250 KM), koja su evidentirana na konto sumnjiva i sporna potraživanja.

S obzirom na to da je i u januaru 2017. godine, po treći put, izvršena provala u službene prostorije Agencije, koje se nalaze u objektu zajedničkih institucija BiH u Mostaru, direktor je sačinio informaciju o izvršenim provalama i istu proslijedio Vijeću ministara BiH, Ministarstvu sigurnosti BiH, Službi za zajedničke poslove institucija BiH te Ministarstvu finansija i trezora BiH. Dostavljenu informaciju Vijeće ministara je razmatralo 22.03.2017. godine i obavijestilo Agenciju da će se mogućnost fizičkog osiguranja i videonadzora prostorija Agencije nastojati riješiti sa Službom za zajedničke poslove institucija BiH.

7. Javne nabavke

U skladu sa raspoloživim sredstvima, Agencija je donijela Plan javnih nabavki za 2016. godinu koji je tokom godine jednom usklađivan. Odlukom direktora za svaku pojedinačnu nabavku formira se komisija za izbor najpovoljnijeg dobavljača. Prema podacima evidentiranim u Izvještaju o ukupnom broju postupaka i ukupnoj vrijednosti dodijeljenih ugovora po vrsti postupka i predmetu nabavki (sistem e-Nabavke), Agencija je u 2016. godini zaključila ugovore ukupne vrijednosti 133.885 KM. Jedan ugovor zaključen je na osnovu provedenog otvorenog postupka, dva po provedenim konkurentskim postupcima, dok su ostali postupci nabavke, manje vrijednosti, vršeni putem direktnog sporazuma. Pregled realizacije zaključenih ugovora/okvirnih sporazuma objavljen je na web stranici Agencije.

8. Prihodi

U Godišnjem finansijskom izvještaju za 2016. godinu, ukupno ostvareni prihodi i primici iskazani su u iznosu od 10.015 KM. Agencija prihode ostvaruje na osnovu izdavanja rješenja za stavljanje na tržište genetski modificovane hrane za životinje i izdavanja rješenja o priznavanju prirodne mineralne, prirodne izvorske ili stone vode koja se stavlja na tržište u Bosni i Hercegovini.

9. Komentari

Agencija je u ostavljenom roku dostavila dopis u kome nas je obavijestila da nema komentara na sadržaj Nacrta izvještaja.

Vođa tima za finansijsku reviziju

Nataša Pavlović, viši revizor, v.r.

Rukovodilac Odjela za finansijsku reviziju

Nedžad Hajtić, viši revizor, v.r.

Članovi tima za finansijsku reviziju

Iva Zeljko, revizor, v.r.

Lutvija Šrndić, revizor, v.r.

Rukovodilac Odjela za razvoj, metodologiju i kontrolu kvaliteta

Dragoljub Kovinčić, viši revizor, v.r.

Prilozi

Tabela I – Pregled rashoda budžeta za 2016. godinu

Tabela II – Bilans stanja na 31.12.2016. godine

Izjava o odgovornostima rukovodstva

Pregled rashoda budžeta za 2016. godinu

Agencija za sigurnost hrane BiH

Tabela I

Opis	Odobreni budžet	Usklađiva- nja budžeta	Ukupni budžet (2+3)	Izvršenje budžeta	Indeks 5/4
1	2	3	4	5	6
1. Tekući izdaci	1.638.000	0	1.638.000	1.321.196	81
Bruto plaće i naknade	1.068.000		1.068.000	917.284	86
Naknade troškova zaposlenih	191.000		191.000	137.481	72
Putni troškovi	31.000		31.000	22.869	74
Izdaci telefonskih i pošt. usluga	24.000		24.000	16.895	70
Izdaci za energiju i kom. usluge	7.000		7.000	1.167	17
Nabavka materijala	19.000		19.000	11.083	58
Izdaci za usluge prijevoza i goriva	14.000		14.000	10.451	75
Unajmljivanje imovine i opreme	3.000		3.000	2.583	86
Izdaci za tekuće održavanje	25.000		25.000	9.058	36
Izdaci za osiguranje	5.000		5.000	4.027	81
Ugovorene i druge posebne usluge	251.000		251.000	188.298	75
2. Kapitalni izdaci	6.000	0	6.000	5.931	99
Nabavka zemljišta			0		
Nabavka građevina			0		
Nabavka opreme	6.000		6.000	5.931	99
Nabavka ostalih stalnih sredstava			0		
Rekonstrukcija i investiciono održ.			0		
3. Tekući grantovi	0	0	0	0	
			0		
			0		
4. Višegodišnja kapitalna ulaganja	0	0	0	0	
			0		
5. Novčane donacije	0	0	0	0	
			0		
Ukupno (1+2+3+4+5)	1.644.000	0	1.644.000	1.327.126	81

Rukovodstvo je Pregled rashoda budžeta po ekonomskim kategorijama odobrilo _____ 2017. godine.

Direktor:
mr. sci. Džemil Hajrić

Bilans stanja na 31.12.2016. godine

Agencija za sigurnost hrane BiH

Tabela II

Opis	31.12.2015.	31.12.2016.	Indeks 3/2
1	2	3	4
1. Gotovina, krat.potraživanja, razgraničenja i zalihe	7.523	7.736	103
Novčana sredstva	4.436	892	20
Kratkoročna potraživanja	3.088	3.594	116
Kratkoročni plasmani		3.250	
Interni finansijski odnosi			
Zalihe			
Kratkoročna razgraničenja			
2. Stalna sredstva	126.947	69.577	55
Stalna sredstva	739.802	714.935	97
Ispravka vrijednosti	612.855	645.359	105
Neotpisana vrijednost stalnih sredstava	126.947	69.577	55
Dugoročni plasmani			
Dugoročna razgraničenja			
UKUPNO AKTIVA (1+2)	134.470	77.313	57

3. Kratkoročne obaveze i razgraničenja	108.060	105.171	97
Kratkoročne tekuće obaveze	12.171	20.582	169
Kratkoročni krediti i zajmovi			
Obaveze prema zaposlenima	95.889	84.589	88
Interni finansijski odnosi			
Kratkoročna razgraničenja			
4. Dugoročne obaveze i razgraničenja	0	0	
Dugoročni krediti i zajmovi			
Ostale dugoročne obaveze			
Dugoročna razgraničenja			
5. Izvori sredstava	126.947	69.577	55
Izvori sredstava	126.947	69.577	55
Ostali izvori sredstava			
Neraspoređeni višak prihoda/rashoda			

UKUPNO PASIVA (3+4+5)	235.007	174.747	74
------------------------------	----------------	----------------	-----------

Napomena: Pravilnikom o finansijskom izvještavanju institucija Bosne i Hercegovine, čl.10. stav 4, napomenuto je da bilans stanja budžetskih korisnika **neće biti uravnotežen** (aktiva jednaka pasivi) zbog programski uspostavljenog sistema Glavne knjige, dok će bilans stanja koji radi Ministarstvo finansija i trezora na nivou Budžeta institucija Bosne i Hercegovine za tekuću godinu biti uravnotežen.

Rukovodstvo je Bilans stanja odobrilo _____ 2017. godine.

Direktor:
mr. sci. Džemil Hajrić

Izjava o odgovornostima rukovodstva

Međunarodni standard vrhovnih revizionih institucija (ISSAI 1580) predviđa da revizor treba da dobije odgovarajuću izjavu od rukovodstva institucije kao dokaz da rukovodstvo priznaje svoju odgovornost za objektivno prikazivanje finansijskih izvještaja saglasno mjerodavnom okviru finansijskog izvještavanja, te da je odobrilo finansijske izvještaje.

Rukovodstvo **Agencije za sigurnost hrane Bosne i Hercegovine** (u daljem tekstu: Agencija) dužno je da osigura da finansijski izvještaji za 2016. godinu budu izrađeni u skladu sa Zakonom o finansiranju institucija BiH (Službeni glasnik BiH broj 61/04, 49/09, 42/12, 87/12 i 32/13), Pravilnikom o finansijskom izvještavanju institucija BiH (Službeni glasnik BiH broj 25/15) i Pravilnikom o računovodstvu sa računovodstvenim politikama i procedurama za korisnike budžeta institucija BiH (protokol Ministarstva finansija i trezora BiH broj 01-08-02-1-1515-1/15 od 04.02.2015. godine). Rukovodstvo je također obavezno da postupa u skladu sa Zakonom o budžetu institucija BiH i međunarodnih obaveza BiH za 2016. godinu (Službeni glasnik BiH broj 101/15) i pratećim uputstvima, objašnjenjima i smjernicama koje donosi Ministarstvo finansija i trezora BiH, kao i ostalim zakonima u Bosni i Hercegovini, tako da finansijski izvještaji daju fer i istinit prikaz finansijskog stanja Agencije.

Pri sastavljanju takvih finansijskih izvještaja odgovornosti rukovodstva obuhvataju garancije:

- da je osmišljen i da se primjenjuje i održava sistem internih kontrola koji je relevantan za pripremu i fer prezentaciju finansijskih izvještaja;
- da finansijski izvještaji ne sadrže materijalno značajne pogrešne iskaze;
- da finansijski izvještaji sadrže sve relevantne podatke i analize izvršenja budžeta, kao i podatke o sistemu internih kontrola i realizaciji preporuka revizije;
- da se u poslovanju primjenjuju važeći zakonski i drugi relevantni propisi.

Rukovodstvo je također odgovorno za čuvanje imovine i resursa od gubitaka, pa tako i za preduzimanje odgovarajućih mjera da bi se spriječile i otkrile pronevjere i ostale nezakonitosti.

Datum, 25.05.2017. godine

Direktor:

Džemil Hajrić